



Defnyddiwch y nodiadau hyn i'ch helpu i lenwi tudalennau Hunangyflogaeth (byr) eich Ffurflen Dreth

Llenwch y tudalennau 'Hunangyflogaeth (byr)' os oedd eich trosiant yn llai na £90,000 (neu y byddai wedi bod petaech wedi masnachu am flwyddyn gyfan). Os oedd eich trosiant yn £1,000 neu lai, darllenwch 'Lwfans incwm masnachu' isod.

Gwirio a oes angen i chi lenwi Ffurflen Dreth

Os nad ydych yn credu bod angen i chi lenwi Ffurflen Dreth ar gyfer y flwyddyn hon, ewch i www.gov.uk/gwirio-angen-ffurflen-dreth

Os nad oes angen i chi lenwi Ffurflen Dreth, mae'n rhaid i chi roi gwybod i ni erbyn 31 Ionawr 2027 er mwyn osgoi cosbau.

Lwfans incwm masnachu

Mae cyfanswm y derbyniadau o hunangyflogaeth ac incwm amrywiol (gweler blwch 17 'Incwm trethadwy arall' ar dudalen TRG 8 nodiadau'r Ffurflen Dreth) hyd at £1,000 wedi'u heithrio rhag treth, ac nid oes angen rhoi gwybod amdanynt ar Ffurflen Dreth oni bai eu bod wedi dod oddi wrth barti cysylltiedig.

Bydd gofyn i chi lenwi Ffurflen Dreth os ydych yn dymuno talu cyfraniadau Yswiriant Gwladol (CYG) Dosbarth 2 yn wirfoddol i gynnal yr hawl i fudd-daliadau cyfraniadol megis Pensiwn y Wladwriaeth.

Darllenwch dudalen TRG 2 nodiadau'r Ffurflen Dreth i wirio eich bod yn gymwys i gael y lwfans incwm masnachu.

Os ydych yn hawlio'r lwfans incwm masnachu, ni allwch ddidynnu unrhyw dreuliau caniatool na hawlio unrhyw lwfansau eraill.

Os nad ydych am hawlio'r lwfans oherwydd bod eich treuliau caniatool yn uwch na'ch trosiant ac rydych am hawlio rhyddhad am y golled - cyfrifwch eich elw gan ddidynnu'ch treuliau caniatool a'ch lwfansau cyfalaf o'ch trosiant. Os ydych yn gwneud hyn, peidiwch â llenwi blwch 10.1.

Os, ar ôl darllen tudalen TRG 2, rydych yn penderfynu llenwi tudalennau 'Hunangyflogaeth (byr)' oherwydd:

- rydych yn disgwyl i'ch trosiant fod yn fwy na £1,000 yn y flwyddyn dreth nesaf, llenwch flychau 1 i 8 yn unig
- rydych am dalu cyfraniadau Yswiriant Gwladol Dosbarth 2 (CYG) yn wirfoddol er mwyn cronni hawl i fudd-daliadau cyfraniadol megis Pensiwn y Wladwriaeth, llenwch flychau 1 i 8 a rhowch 'X' ym mlwch 36

- rydych am gadw'ch cofnod o hunangyflogaeth, er enghraifft er mwyn ategu cais am Lwfans Mamolaeth, llenwch flwch 1 yn unig
- rydych am hawlio Gofal Plant sy'n Rhydd o Dreth ar sail eich cofnod o incwm o hunangyflogaeth, llenwch flwch 1, blwch 9, blwch 10.1, blwch 21, blwch 28 a blwch 31
- rydych yn is-contractwr ac am hawlio'r dreth a ddidynnwyd o dan Gynllun y Diwydiant Adeiladu (CIS), llenwch flychau 1 i 8 a blwch 38

Os oedd cyfanswm y derbyniadau o'ch holl hunangyflogaeth ac incwm amrywiol dros £1,000 llenwch y tudalennau 'Hunangyflogaeth (byr)' drwy naill ai:

- hawlio'r lwfans ym mlwch 10.1 yn erbyn cyfanswm eich derbyniadau o hunangyflogaeth - os ydych yn hawlio'r lwfans incwm masnachu ni allwch ddidynnu unrhyw dreuliau caniatool na hawlio unrhyw lwfansau eraill. Ni allwch hawlio'r lwfans hwn os yw'ch derbyniadau'n dod oddi wrth barti cysylltiedig
- cyfrifo eich elw masnachu trwy ddidynnu treuliau a lwfansau caniatool - os gwnewch hyn, ni allwch hawlio'r lwfans incwm masnachu

At y diben hwn, mae 'cyfanswm y derbyniadau o hunangyflogaeth' yn cynnwys unrhyw gofnodion ym mlwch 9, blwch 10, blwch 26 (Taliadau mantoli) a blwch 27 (Nwyddau a gwasanaethau at eich defnydd eich hun).

Gellir rhannu'r lwfans incwm masnachu o hyd at £1,000 ar draws mwy nag un busnes ac yn erbyn incwm amrywiol (gweler blwch 17 'Incwm trethadwy arall' ar dudalen TRG 8 nodiadau'r Ffurflen Dreth).

i I gael rhagor o wybodaeth am y lwfans incwm masnachu, ewch i www.gov.uk/guidance/tax-free-allowances-on-property-and-trading-income

Bydd rhaid i chi lenwi'r tudalennau Hunangyflogaeth (llawn) os yw'r canlynol yn berthnasol:

- mae'ch busnes yn fwy cymhleth, neu mae'ch trosiant am y flwyddyn yn £90,000 neu fwy (neu y byddai wedi bod petaech wedi masnachu am y flwyddyn gyfan)
- mae angen i chi addasu'r elw neu golledion o'ch cyfnod cyfrifyddu oherwydd daeth y cyfnod hwnnw i ben cyn 31 Mawrth 2026, neu nad oedd yn gyfnod o 12 mis, neu ni ddaeth eich cyfnod cyfrifyddu i ben yn ystod y flwyddyn dreth
- mae gennych incwm o addasiad oherwydd eich bod wedi newid eich sail cyfrifyddu
- mae angen i chi addasu unrhyw elw sy'n agored i gyfraniadau Yswiriant Gwladol (CYG) Dosbarth 4
- roeddech yn rhan o'r rhaglen Rheoli Diffygdalwyr Difrifol (MSD) yn ystod y flwyddyn

Llenwi'r tudalennau Hunangyflogaeth (byr)

Mae'n bwysig eich bod yn cadw cofnodion o arian a gafwyd neu a dalwyd (incwm a threuliau eich busnes os ydych yn defnyddio cyfrifyddu traddodiadol – gweler blwch 8) ac unrhyw dreth rydych wedi ei thalu yn ystod y flwyddyn. Bydd angen y rhain arnoch er mwyn eich helpu i lenwi eich Ffurflen Dreth neu i ateb unrhyw gwestiynau a all fod gennym.

i I gael rhagor o wybodaeth am y cofnodion sydd angen i chi eu cadw, ewch i www.gov.uk/cofnodion-hunangyflogedig

Os nad yw'n bosibl i chi roi eich ffigurau terfynol i ni erbyn y dyddiad cau ar gyfer cyflwyno, dylech gynnwys ffigurau dros dro, ond dylech ond llenwi blychau 1, 5, 9, 10, 21 neu 22, 28 a 31 neu 32. Yn ogystal, mae'n rhaid i chi roi gwybod i ni yn 'Unrhyw wybodaeth arall' ar dudalen TR 7 eich Ffurflen Dreth pam eich bod wedi defnyddio symiau dros dro a phryd yr ydych yn disgwyl rhoi eich ffigurau terfynol i ni. Gadewch bob blwch arall yn wag.

Peidiwch ag anfon unrhyw dderbynebau, cyfrifon neu waith papur gyda'ch Ffurflen Dreth, oni bai y byddwn yn gofyn amdanynt.

Eich enw a Chyfeirnod Unigryw y Trethdalwr

Os ydych wedi argraffu copi o'r tudalennau 'Hunangyflogaeth (byr)' o'r wefan, llenwch eich enw a Chyfeirnod Unigryw y Trethdalwr (UTR) yn y blychau ar frig y ffurflen. Mae'ch UTR i'w weld ar unrhyw lythyron oddi wrthym ynglŷn â'ch Hunanasesiad.

Os na allwch ddod o hyd iddo, gallwch ffonio Gwasanaeth Cwsmeriaid Cymraeg CThEF ar 0300 200 1900 neu ewch i www.gov.uk/dod-o-hyd-i-utr-sydd-ar-goll.

Eich enw	Eich Cyfeirnod Unigryw y Trethdalwr (UTR)
Paul Smith	1 3 5 7 9 2 4 6 8 0

Enghraifft o flychau enw ac UTR wedi'u llenwi

Manylion y busnes

Blwch 1 Disgrifiad o'r busnes

Rhowch wybod i ni ym mlwch 1 beth yw eich math o fusnes. Os ydych yn Ofalwr Maeth neu'n Ofalwr Cysylltu Bywydau rhowch 'Gofalwr Cymwys' ym mlwch 1.

Os ydych yn cael incwm o osod llety wedi'i ddodrefnu yn eich cartref, a bod eich derbyniadau gros (gan gynnwys unrhyw daliadau mantoli) yn llai na £7,500 (neu £3,750 os ydych yn rhoi llety ar osod ar y cyd) a'ch bod am ddefnyddio'r cynllun Rhentu Ystafell, rhowch Rhentu Ystafell ym mlwch 1 a gadewch weddill y blychau'n wag.

Os yw eich derbyniadau gros (gan gynnwys unrhyw daliadau mantoli) o osod llety wedi'i ddodrefnu yn eich cartref yn fwy na'r terfyn o £7,500 (neu £3,750) a'ch bod am ddefnyddio'r cynllun Rhentu Ystafell:

- ysgrifennwch 'Rhentu Ystafell' ym mlwch 1
- llenwch flychau 2 i 8
- rhowch eich derbyniadau gros (gan gynnwys gwasanaethau a ddarparwyd) ym mlwch 9

- rhowch £7,500 (neu £3,750) ym mlwch 19
- rhowch unrhyw daliadau mantoli ym mlwch 26

Ni allwch hawlio treuliau, lwfansau cyfalaf na'r lwfans incwm masnachu o dan y cynllun Rhentu Ystafell.

i I gael rhagor o wybodaeth am y cynllun Rhentu Ystafell, ewch i www.gov.uk a chwilio am 'HS223' neu ewch i www.gov.uk/rhoi-eiddo-ar-osod/talu-treth

Blwch 4 Os ydych yn ofalwr maeth neu'n ofalwr cysylltu bywydau

Rhowch 'X' yn y blwch dim ond os yw hyn yn berthnasol i chi.

Os yw eich swm cymwys yn fwy na chyfanswm eich derbyniadau gofal cymwys:

- rhowch '0' (sero) ym mlwch 31
- peidiwch â llenwi gweddill y tudalennau 'Hunangyflogaeth (byr)'

Os yw eich derbyniadau gofal cymwys yn fwy na'ch swm cymwys ac rydych yn defnyddio'r dull syml er mwyn cyfrifo eich elw:

- llenwch flychau 2 i 8 (os ydynt yn berthnasol i chi)
- rhowch gyfanswm eich derbyniadau ym mlwch 9
- rhowch eich swm cymwys ym mlwch 20
- llenwch flychau 21, 28 a 31

Bydd Taflen Gymorth 236, 'Qualifying care relief: foster carers, adult placement carers, kinship carers and staying put carers', yn eich helpu i lenwi'r tudalennau 'Hunangyflogaeth (byr)'.

i I gael rhagor o wybodaeth, ewch i www.gov.uk a chwilio am 'HS236'.

Blwch 5Q A wnaeth y busnes hwn ddechrau ar ôl 5 Ebrill 2025?

Os gwnaeth eich busnes ddechrau ar ôl 5 Ebrill 2025, rhowch 'X' yn y blwch 'Iawn'. Os gwnaeth eich busnes ddechrau cyn 6 Ebrill 2025, rhowch 'X' yn y blwch 'Na'.

Blwch 5 Os dechreuodd eich busnes ar ôl 5 Ebrill 2025, nodwch y dyddiad dechrau

Os gwnaethoch ateb 'Iawn' ym mlwch 5Q, rhowch y dyddiad y dechreuoch i weithio i chi'ch hun ym mlwch 5.

Os nad ydych eisoes wedi cofrestru ar gyfer hunangyflogaeth a chyfraniadau Yswiriant Gwladol (CYG) Dosbarth 2, rhaid i chi wneud hynny nawr.

i I gael rhagor o wybodaeth, ewch i www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/hunangyflogedig

Blwch 6Q A wnaeth y busnes hwn ddod i ben ar ôl 5 Ebrill 2025, ond cyn 6 Ebrill 2026?

Os gwnaeth eich busnes ddod i ben ar ôl 5 Ebrill 2025, ond cyn 6 Ebrill 2026, rhowch 'X' yn y blwch 'Iawn'. Os nad yw'ch busnes wedi dod i ben, rhowch 'X' yn y blwch 'Na'.

Blwch 6 Os daeth eich busnes i ben cyn 6 Ebrill 2026, nodwch y dyddiad masnachu terfynol

Os gwnaethoch ateb 'Iawn' yn mlwch 6Q, rhowch y dyddiad y daeth eich busnes i ben ym mlwch 6 ac nid eich dyddiad diwedd blwyddyn. Rhowch wybod i ni cyn gynted â phosib fel nad ydych yn talu gormod o dreth.

I sicrhau bod eich sefyllfa o ran Yswiriant Gwladol yn gywir, rhowch wybod i ni yn www.gov.uk/rhoir-gorau-i-fod-yn-hunangyflogedig

Blwch 7 Y dyddiad y caewyd eich llyfrau neu eich cyfrifon

Mae'n arferol i gau eich llyfrau ar yr un dyddiad bob blwyddyn. Er enghraifft, os oeddech wedi cau eich llyfrau ar 5 Ebrill 2026, nodwch 05 04 2026 ym mlwch 7. Os yw'r dyddiad hwn cyn 31 Mawrth 2026 (oni bai eich bod wedi rhoi'r gorau i weithio i chi'ch hun) neu ar ôl 5 Ebrill 2026, mae'n rhaid i chi lenwi'r tudalennau 'Hunangyflogaeth (llawn)'.

Blwch 8 Cyfrifyddu traddodiadol

Rhowch 'X' ym mlwch 8 os gwnaethoch ddefnyddio cyfrifyddu traddodiadol yn hytrach na'r sail arian parod.

Mae rhai busnesau yn defnyddio cyfrifyddu traddodiadol (sail cronïadau) os ydynt yn dymuno gwneud hynny, neu os na allant ddefnyddio'r sail arian parod.

i I gael rhagor o wybodaeth, ewch i www.gov.uk/simpler-income-tax-cash-basis

Fel arfer, byddwch yn defnyddio'r un sail pob blwyddyn. Os byddwch yn newid sail, efallai y bydd angen i chi wneud addasiad trawsnewidiol.

i I gael rhagor o wybodaeth am y sail arian parod ac addasiadau trawsnewidiol, ewch i www.gov.uk a chwilio am 'HS222'.

Incwm busnes

Blwch 9 Eich trosiant

Rhowch gyfanswm yr incwm a gafwyd (sail arian parod) neu a enillwyd (cyfrifyddu traddodiadol) gan eich busnes cyn didynnu unrhyw dreuliau ym mlwch 9. Dylech gynnwys:

- pob taliad - ar ffurf arian parod, cerdyn, siec neu unrhyw ddull arall
- ffioedd, cildyrnau a chomisiynau

- unrhyw daliadau 'ar ffurf nwyddau' – hynny yw, nwyddau neu wasanaethau a gafwyd am waith a wnaed neu am nwyddau a werthwyd
- arian sy'n ddyledus i chi am waith sydd eisoes wedi'i wneud, os ydych yn defnyddio cyfrifyddu traddodiadol

Os yw'ch trosiant yn £1,000 neu lai, darllenwch 'Lwfans incwm masnachu' ar dudalen SESN 1.

Os ydych yn is-gontractwr, sicrhewch eich bod yn cynnwys y swm llawn ar gyfer y cyfnod cyfrifyddu (cyn unrhyw ddiidyniadau'r Cynllun Diwydiant Adeiladu (CIS) a wnaed gan gontractwyr).

Blwch 10 Unrhyw incwm arall y busnes

Dylech gynnwys incwm sy'n cyfrif fel incwm masnachu ond sydd heb ei gynnwys yn eich trosiant. Er enghraifft, incwm drwy roi rhan o eiddo eich busnes ar osod, taliadau a gewch am yr hawl i groesi eich tir, premiymau gwrthdro nad ydynt hyd fraich a symiau sy'n cael eu trin fel elw gan yr incwm masnachu a ddarperir drwy reolau trydydd parti.

Peidiwch â chynnwys incwm o fasnach neu fusnes arall, mae hyn yn mynd ar dudalennau 'Hunangyflogaeth' ar wahân.

Blwch 10.1 Lwfans incwm masnachu

Darllenwch 'Lwfans incwm masnachu' ar dudalen SESN 1 cyn llenwi blwch 10.1. Os oes gennych fwy nag un hunangyflogaeth (neu incwm amrywiol (gweler blwch 17 'Incwm trethadwy arall' ar dudalen TRG 8 nodiadau'r Ffurflen Dreth)), ni all y cyfanswm a hawliwyd fod yn fwy na £1,000.

Ni allwch hawlio'r lwfans incwm masnachu i wneud colled.

Treuliau busnes caniataol

Mae treuliau'n amrywio o fusnes i fusnes. Mae'r treuliau caniataol yn cynnwys cyflogau, rhent ar gyfer safle busnes, golau, post, galwadau ffôn a chostau moduro megis tanwydd ac yswiriant. Rhestrir treuliau busnes caniataol yn Nhaflen Gymorth 222, 'How to calculate your taxable profit'.

Caniateir rhai treuliau yn rhannol yn unig. Er enghraifft, gallwch hawlio dim ond y gyfran fusnes o'r gost o ddefnyddio eich car eich hun neu ddefnyddio ystafell yn eich cartref fel eich swyddfa.

Nid yw costau gwesteia, dibrisiad cyfarpar, eich cyflog eich hun, cyflogau, tyniadau, cyfraniadau Yswiriant Gwladol yn dreuliau caniataol.

Os ydych yn hawlio lwfans incwm masnachu, ni allwch didynnu unrhyw dreuliau caniataol na hawlio unrhyw lwfans arall ar yr incwm hwn.

Os ydych yn defnyddio cyfrifyddu traddodiadol Peidiwch â chynnwys y gost o brynu cerbyd neu gyfarpar arall.

Os ydych yn defnyddio'r sail arian parod Mae treuliau caniatool yn cynnwys taliadau am wariant cyfalaf, oni bai bod y gwariant yn un na chaniateir yn benodol.

i I gael rhagor o wybodaeth am wariant cyfalaf na chaniateir, ewch i gov.uk a chwilio am 'HS222'.

Treuliau symlach

Mae treuliau symlach yn defnyddio cyfraddau unffurf, yn lle treuliau busnes gwirioneddol.

Gallwch ddefnyddio treuliau symlach i gyfrifo:

- costau busnes ar gyfer cerbydau
- defnydd o'ch cartref ar gyfer busnes neu'r addasiad ar gyfer defnydd preifat o leoliad busnes fel cartref (ddim y ddau)

i I gael rhagor o wybodaeth, ewch i www.gov.uk/treuliau-symlach-os-ydych-yn-hunangyflogedig

Mae'n rhaid i chi gyfrifo pob traul arall yn y modd arferol.

Blychau 11 i 20

Llenwch flychau 11 i 19 a rhowch y cyfanswm ym mlwch 20.

Os oedd eich trosiant blynyddol yn llai na £90,000, cewch roi cyfanswm eich treuliau ym mlwch 20. Os ydych yn hawlio lwfans incwm masnachu ym mlwch 10.1, peidiwch â llenwi blychau 11 i 20.

i I gael rhagor o wybodaeth am dreuliau y gallwch eu hawlio, a llenwi blychau 11 i 20, ewch i www.gov.uk a chwilio am 'HS222'.

Elw neu golled net

Blwch 21 Elw net

Adiwch flychau 9 a 10 at ei gilydd. Os yw'r cyfanswm yn fwy na'r ffigur ym mlwch 20, nodwch y gwahaniaeth ym mlwch 21.

Blwch 22 Colled net

Adiwch flychau 9 a 10 at ei gilydd. Os yw'r cyfanswm yn llai na'r ffigur ym mlwch 20, nodwch y gwahaniaeth ym mlwch 22.

Lwfansau treth ar gyfer adeiladau, cerbydau a chyfarpar penodol (lwfansau cyfalaf)

Blychau 23 i 26

Os ydych yn defnyddio cyfrifyddu traddodiadol, gallwch hawlio lwfansau cyfalaf ar gyfer costau prynu a gwella cyfarpar megis:

- faniau a cheir
- offer a chyfrifiaduron
- silffoedd, dodrefn a gosodiadau trydanol
- strwythurau ac adeiladau penodol

Bydd y math o lwfans cyfalaf a'r swm y gallwch ei hawlio yn dibynnu ar yr asedion sydd gennych ac amgylchiadau eraill, er enghraifft, mae rheolau arbennig ar gyfer ceir.

Os ydych yn defnyddio'r sail arian parod, gallwch dim ond hawlio lwfansau cyfalaf ar y gost o brynu ceir.

Os ydych wedi hawlio lwfansau cyfalaf yn flaenorol ar gyfer car a ddefnyddir yn eich busnes, gallwch barhau i hawlio'r lwfans ym mlychau 24 a 25. Dylech gynnwys unrhyw ran o'r costau redeg gwirioneddol sy'n ymwneud â'r busnes fel treuliau caniatool ym mlwch 12. Ni allwch ddefnyddio cyfraddau unffurf.

Os nad ydych erioed wedi hawlio lwfansau cyfalaf ar gyfer y car, gallwch ddewis i ddefnyddio'r gyfradd unffurf, neu hawlio lwfansau cyfalaf.

Ni allwch hawlio lwfansau cyfalaf os ydych yn hawlio'r lwfans incwm masnachu ym mlwch 10.1.

Os ydych wedi hawlio'r lwfans incwm masnachu ym mlwch 10.1, peidiwch â llenwi blychau 23 i 25.2.

i I gael rhagor o wybodaeth am lwfansau cyfalaf, ewch i www.gov.uk/lwfansau-cyfalaf

Blwch 23 Lwfans Buddsoddi Blynyddol (LBB)

Lwfans Buddsoddi Blynyddol (LBB) 100%.

Lwfans ar wariant cymwys os gwnaethoch brynu cyfarpar (ond nid ceir) yn ystod y flwyddyn.

i I gael rhagor o wybodaeth am Lwfans Buddsoddi Blynyddol (LBB) a'r uchafswm y gallwch ei hawlio, ewch i www.gov.uk/lwfansau-cyfalaf/lwfans-buddsoddi-blynyddol

Pan ydych yn defnyddio cyfarpar at ddibenion busnes yn ogystal â dibenion preifat, mae'n rhaid i chi ostwng y LBB a hawliwyd gan y gyfran ar gyfer defnydd preifat.

Enghraifft

Mae Gwilym yn prynu offer am £5,000 a fan sy'n costio £10,000. Caiff yr offer eu defnyddio ar gyfer y busnes yn unig. Fodd bynnag, defnyddia Gwilym y fan 60% o'r amser ar gyfer busnes a 40% ar gyfer moduro preifat. Mae'n rhaid iddo gyfyngu ar swm y LBB y mae'n ei hawlio ar y fan i adlewyrchu ei ddefnydd preifat. Mae ganddo 2 gronfa, un i'r fan (oherwydd ei ddefnydd preifat ohono) ac un ar gyfer yr offer (a ddefnyddir yn gyfan gwbl ar gyfer y busnes). Yr LBB y gall ei hawlio ar gyfer y fan yw £6,000 (£10,000 llai 40% am ddefnydd preifat).

Cyfanswm hawliad Gwilym ar gyfer LBB yw £11,000 (£5,000 ar gyfer yr offer, yn ogystal â £6,000 ar gyfer y fan). Ar ôl iddo hawlio LBB bydd ganddo 2 gronfa gwariant. Bydd y balans yn y ddwy gronfa yn ddim.

Os gwnaeth Gwilym hawlio LBB ar gyfer eitemau, fel offer neu fan, a'i fod yn gwerthu'r eitemau hynny yn ddiweddarach (yn eu gwaredu), efallai y bydd angen iddo ad-dalu rhywfaint o'i lwfans. Gelwir hyn yn tâl mantoli.

i I gael help gyda lwfansau cyfalaf a chostau mantoli, ewch i www.gov.uk/business-tax/capital-allowances

Blwch 24 Lwfans ar gyfer balans bychan o wariant pan na chafwyd rhyddhad

Os yw balans y gwariant cymwys yn y brif gronfa neu'r gronfa gyfradd arbennig (gweler 'Sut i gyfrifo balans cronfa lwfansau cyfalaf') yn £1,000 neu lai, gallwch hawlio lwfans cronfeydd bychain hyd at y swm llawn, yn hytrach na hawlio'r Lwfans ar Bapur. Ni allwch hawlio'r ddau.

Blwch 24.1 Lwfans ar gyfer car di-allyriadau

Hawliwch y lwfans blwyddyn gyntaf o 100% (y gost lawn) ar gyfer unrhyw gar newydd a heb ei ddefnyddio, sydd ag allyriadau sero neu sy'n drydanol, yn y blwch hwn.

Os ydych yn defnyddio car y tu allan i'ch busnes, mae'n rhaid i chi hawlio'r gyfran sydd at ddibenion busnes yn unig.

Blwch 25 Lwfansau cyfalaf eraill

- lwfans blwyddyn gyntaf (LBG) heblaw am lwfans ar gyfer car di-allyriadau (gweler blwch 24.1) – i weld a allwch hawlio ac os felly, faint, ewch i www.gov.uk/lwfansau-cyfalaf/lwfansau-blwyddyn-gyntaf
- lwfans ar bapur (LAB) 18% ar falans y gwariant ar gyfarpar yn y brif gronfa. Bydd y swm na chafwyd rhyddhad ar ei gyfer yn cael ei gario ymlaen i'ch cyfnod nesaf - mae gwariant o'r fath yn cynnwys ceir a brynwyd ar neu ar ôl 6 Ebrill 2021 gydag allyriadau CO2 dros 0g/km a ddim mwy na 50g/km
- lwfans ar bapur (LAB) 6% ar falans y gwariant yn y gronfa gyfradd arbennig – mae gwariant o'r fath yn cynnwys:
 - rhannau penodol o adeiladau megis systemau trydanol
 - ceir a brynwyd ar neu ar ôl 6 Ebrill 2021 gydag allyriadau CO2 sy'n fwy na 50g/km

Sut i gyfrifo balans cronfa lwfansau cyfalaf:

- dechreuwch gyda'r gwariant na chafwyd rhyddhad ar ei gyfer, a oedd yn y gronfa ar ddiwedd y cyfnod trethadwy blaenorol
- ychwanegwch balans y gwariant cymwys roedd lwfans blwyddyn gyntaf (LBG) wedi'i hawlio ar ei gyfer yn y cyfnod trethadwy blaenorol (bydd hyn yn ddim ar gyfer LBG o 100%)
- ychwanegwch yr holl wariant cymwys ar gyfer y gronfa a gododd yn ystod y cyfnod trethadwy hwn, heblaw am wariant y mae LBG yn cael ei hawlio ar ei gyfer
- didynnwch yr hawliad am LBB
- didynnwch gyfanswm yr holl werthoedd gwaredu (fel arfer, derbynebau) ar gyfer asedion o'r gronfa nad ydynt yn cael eu defnyddio yn y busnes mwyach

Y canlyniad yw balans y gronfa o wariant cymwys.

Os ydych yn defnyddio cyfarpar neu geir at ddibenion busnes yn ogystal â dibenion preifat, mae'n rhaid i chi ostwng y lwfansau a hawliwch gan y gyfran ar gyfer defnydd preifat. Mae'n rhaid i chi hefyd gadw cronfa wariant ar wahân ar gyfer pob un eitem a ddefnyddiwyd at ddibenion preifat. Gelwir hyn yn gronfa sengl o asedion. Nid yw'r 'Lwfans ar gyfer balans bychan o wariant pan na chafwyd rhyddhad' yn berthnasol i gronfeydd sengl o asedion.

Blwch 25.1 Y Lwfans Strwythurau ac Adeiladau

Os ydych yn gymwys i hawlio'r Lwfans Strwythurau ac Adeiladau (SBA), rhowch swm yr hawliad ym mlwch 25.1 (oni bai eich bod yn hawlio'r gyfradd ychwanegol o SBA ar gyfer safleoedd treth Porthladdoedd Rhydd a Pharthau Buddsoddi, os felly rhowch swm yr hawliad ym mlwch 25.2). Os ydych yn hawlio am y tro cyntaf ar gyfer swm o wariant cymhwysol defnyddiwyd y blwch 'Unrhyw wybodaeth arall', sef blwch 19 ar dudalen 7 eich Ffurflen Dreth, er mwyn cofnodi'r canlynol:

- y dyddiad y daeth yr adeilad i ddefnyddio cymhwysol am y tro cyntaf, neu, os yw'n hwyrach, dyddiad y gwariant cymhwysol
- cyfanswm y gwariant cymhwysol newydd

I weld a allwch hawlio, ac os felly faint, ewch i www.gov.uk/guidance/claiming-capital-allowances-for-structures-and-buildings.cy

Blwch 25.2 Lwfans Strwythurau ac Adeiladau Porthladdoedd Rhydd a Pharthau Buddsoddi

Os ydych yn gymwys i hawlio'r Lwfans Strwythurau ac Adeiladau (SBA) ychwanegol ar gyfer safleoedd treth Porthladdoedd Rhydd a Pharthau Buddsoddi, rhowch swm yr hawliad ym mlwch 25.1. Os ydych yn hawlio am y tro cyntaf mewn perthynas â swm o wariant cymwys,

defnyddiwch y blwch 'Unrhyw wybodaeth arall', sef blwch 19 ar dudalen 7 eich Ffurflen Dreth, er mwyn cofnodi'r canlynol:

- y Porthladdoedd Rhydd a Pharthau Buddsoddi y mae'r hawliad yn ymwneud â nhw
- cyfeiriad neu leoliad y strwythur neu adeilad
- y dyddiad y daeth yr adeilad i ddefnydd cymhwysol am y tro cyntaf neu, os yw'n hwyrach, dyddiad y gwariant cymwys
- cyfanswm y gwariant cymhwysol newydd a ysgwyddwyd
- y dyddiad yr ymrwymwyd i'r contract cyntaf ar gyfer adeiladu

I weld a allwch hawlio, ac os felly faint, ewch i www.gov.uk/guidance/check-if-you-can-claim-enhanced-structures-and-buildings-allowance-relief-in-freeport-tax-sites.cy

Blwch 26 Cyfanswm taliadau mantoli

Mae'n bosibl y bydd taliadau mantoli'n codi yn dilyn digwyddiad gwaredu neu fantoli, megis gwerthu, colli neu ddiwestio asedion neu wrth ddod â'r defnydd busnes i ben, lle mae'r derbyniadau o'r digwyddiad yn fwy na'u gwerth treth. Os gwerthwch eitem rydych wedi hawlio lwfans cyfalaf ar ei chyfer, a bod derbyniadau'r gwerthiant neu werth yr eitem yn fwy na gwerth neu gost y gronfa, bydd yn rhaid i chi dalu treth ar y gwahaniaeth (sef 'tâl mantoli'). Mae hyn yn cynnwys eitemau lle mae gwerth y gronfa yn ddim oherwydd eich bod wedi hawlio'r holl gost yn flaenorol. Rhwch gyfanswm y tâl mantoli ym mlwch 26.

Cyfrifo eich elw trethadwy

Blwch 27 Nwyddau a/neu wasanaethau at eich defnydd eich hun

Os byddwch yn cymryd unrhyw nwyddau neu stoc allan o'r busnes rhwch y swm na chaniateir (fel arfer, swm y nwyddau neu'r stoc), ym mlwch 27. Os ydych yn defnyddio cyfrifyddu traddodiadol, defnyddiwch y pris gwerthu arferol yn lle.

Os byddwch yn nodi cost lawn y treuliau ym mlychau 11 i 19, bydd yn rhaid i chi gynnwys unrhyw symiau na chaniateir ym mlwch 27.

Blychau 28 a 31 neu 32

Defnyddiwch y daflen waith isod i gyfrifo'r ffigurau ar gyfer blychau 28 a 31 neu 32.

Elw net blwch 21 neu golled net blwch 22	A	£
Plws	B	£
Taliadau mantoli blwch 26		
Nwyddau a gwasanaethau at eich defnydd eich hun blwch 27	C	£
Cyfanswm blychau A, B ac C	D	£
Llai		
Lwfansau cyfalaf neu lwfans incwm masnachu		
plws flychau 23 i 25.2, neu flwch 10.1	E	£
Cyfanswm blwch D llai blwch E	F	£
Os yw'r swm yn positif mae gennych elw net. Copiwch i flwch 28		
Os yw'r swm yn negyddol mae gennych golled net. Copiwch i flwch 32		
Llai		
Colledion a ddygwyd ymlaen blwch 29 - hyd at y swm ym mlwch 28	G	£
Cyfanswm blwch F llai blwch G	H	£
Plws		
Unrhyw incwm arall y busnes blwch 30	I	£
Cyfanswm yr elw trethadwy plws flychau H ac I - copiwch i flwch 31	J	£

Blwch 30 Unrhyw incwm arall y busnes nad yw wedi ei gynnwys ym mlwch 9 neu'n blwch 10

Mae hyn yn cynnwys unrhyw incwm arall busnes nad yw'n incwm masnachu.

Colledion, CYG Dosbarth 2 a CYG Dosbarth 4 a didyniadau CIS

Blychau 33 i 35 Colledion

Gallwch hawlio rhyddhad treth ar gyfer unrhyw golledion a wnaed gennych. Gall swm y rhyddhad treth yr ydych yn ei hawlio yn erbyn eich incwm gael ei gyfyngu. Os ydych eisoes wedi gwneud hawliad ar gyfer eich colled 2025 i 2026, dylech gynnwys y golled ym mlwch 33 neu 34 a rhwch fanylion i ni yn 'Unrhyw wybodaeth arall' ar dudalen TR 7 eich Ffurflen Dreth.

i I gael gwybodaeth am golledion ewch i www.gov.uk a chwilio am 'HS227'.

I gael gwybodaeth am y Terfyn ar Ryddhad Treth Incwm, ewch i www.gov.uk a chwilio am 'HS204'.

Blwch 33 Colled o'r flwyddyn dreth hon a wrthbwywyd yn erbyn incwm arall ar gyfer 2025 i 2026

Dylech ond gynnwys colled ar gyfer y flwyddyn dreth hon ym mlwch 33. Ni all y swm y cynhwyswyd ym mlwch 33 fod yn fwy na chyfanswm eich incwm arall am y flwyddyn dreth hon. Mae swm y rhyddhad treth y gallwch ei hawlio yn erbyn cyfanswm eich incwm bob blwyddyn wedi'i gyfyngu i naill ai swm o £50,000, neu 25% o gyfanswm eich incwm wedi'i addasu, p'un bynnag sydd fwyaf. Os oes gennych unrhyw golled nas defnyddiwyd yn weddill, gallwch hawlio balans eich colled yn erbyn unrhyw enillion cyfalaf ar gyfer 2025 i 2026, neu llenwch flychau 34 neu 35.

Peidiwch â llenwi blwch 33 os ydych yn hawlio lwfans incwm masnachu.

Blwch 34 Colled i'w chario yn ôl i flynyddoedd blaenorol i'w gwrthbwysu yn erbyn incwm (neu enillion cyfalaf)

Gallwch gario colledion yn ôl i'w defnyddio yn erbyn:

- incwm ar gyfer blwyddyn dreth 2024 i 2025 – os yw eich colled yn fwy na'r incwm, gallwch ddefnyddio'r golled sy'n weddill yn erbyn enillion cyfalaf 2024 i 2025
- incwm yn y 3 blwyddyn flaenorol – dechreuwch gyda'r flwyddyn gynharaf – dylech ond hawlio hwn os gwnaeth eich busnes ddechrau ar ôl 5 Ebrill 2022
- elw'r busnes hwn yn ystod blwyddyn dreth 2025 i 2026 ac yn y 3 blynedd flaenorol – dechreuwch gyda'r flwyddyn ddiweddaraf – dylech dim ond wneud yr hawliad hwn (ar gyfer rhyddhad colled terfynol) os daeth eich busnes i ben yn ystod blwyddyn dreth 2025 i 2026 – y colledion y gallwch eu hawlio yw'r colledion a wnaed yn y 12 mis olaf o fasnachu

Os gwnaethoch lewni blwch 34, rhowch fanylion y swm a hawliwyd ac ar gyfer pa flwyddyn o dan 'Unrhyw wybodaeth arall' ar dudalen TR 7 eich Ffurflen Dreth.

i I gael rhagor o wybodaeth am ryddhad colled terfynol, ewch i www.gov.uk a chwilio am 'HS227'.

Blwch 35 Cyfanswm y golled i'w chario ymlaen ar ôl pob gwrthbwysiad arall

Gallwch gario'ch colledion nas defnyddiwyd ymlaen i'w gosod yn erbyn unrhyw elw o'r un busnes yn y dyfodol. Os gwnaethoch hawlio yn flaenorol unrhyw golledion nas defnyddiwyd eisoes, dylech eu cynnwys ym mlwch 35.

Blwch 36 Rhowch 'X' yn y blwch os yw cyfanswm eich elw ar gyfer 2025 i 2026 yn llai na £6,845 ac rydych yn dewis talu CYG Dosbarth 2 yn wirfoddol

Os yw'ch elw trethadwy yn llai na £6,845, neu eich bod wedi gwneud colled, gallwch ddewis talu CYG Dosbarth 2 yn wirfoddol er mwyn gwarchod eich hawl i Bensiwn y Wladwriaeth a budd-daliadau penodol. Mae'n rhaid i chi fod wedi eich cofrestru'n hunangyflogedig er mwyn i'ch CYG Dosbarth 2 gael eu trin fel pe baent wedi'u talu, neu i dalu'n wirfoddol.

Os yw'ch elw trethadwy yn £6,845 neu'n fwy, ni fydd angen i chi dalu CYG Dosbarth 2, caiff eich cyfraniadau eu trin fel pe baent wedi'u talu er mwyn gwarchod eich hawl i Bensiwn y Wladwriaeth a budd-daliadau penodol.

Os ydych wedi eich cofrestru ar gyfer Hunanasesiad ond ddim wedi eich cofrestru'n hunangyflogedig, ewch i www.gov.uk/mewngofnodi-chyflwynoch-ffurflen-dreth-huanasesiad

Os ydych wedi eich cyflogi ac yn hunangyflogedig, efallai y gallwch dalu swm is o CYG Dosbarth 2 yn dibynnu ar swm yr Yswiriant Gwladol Dosbarth 1 rydych yn ei dalu o'ch cyflog.

Mae dal yn rhaid i chi dalu CYG Dosbarth 2 yn ystod seibiant dros dro os ydych yn bwriadu parhau i fod yn hunangyflogedig. Mae hyn yn cynnwys:

- ysgrifenydd yn ymgyrdd ag ymchwil
- ar eich gwyliau
- cyflogaeth tymor byr
- ar wasanaeth rheithgor

i I gael rhagor o wybodaeth, ewch i www.gov.uk/yswiriant-gwladol/faint-rydych-chin-talu

Rhowch 'X' yn y blwch 36 os ydych am dalu CYG Dosbarth 2 yn wirfoddol.

Ni allwch dalu CYG Dosbarth 2 yn wirfoddol drwy Hunanasesiad ar ôl 31 Ionawr 2027.

i I gael rhagor o wybodaeth, ewch i www.gov.uk/cyfraniadau-yswiriant-gwladol-gwirfoddol

Blwch 37 Rhowch 'X' yn y blwch os ydych wedi eich eithrio rhag talu CYG Dosbarth 4

Nid oes angen i chi dalu CYG Dosbarth 4 os yw'r canlynol yn berthnasol:

- gwnaethoch gyrraedd oedran Pensiwn y Wladwriaeth cyn 6 Ebrill 2025
- roeddech o dan 16 oed ar 6 Ebrill 2025
- nid oeddech yn preswyllo yn y DU at ddibenion treth yn ystod blwyddyn dreth 2025 i 2026

Rhowch 'X' yn y blwch dim ond os ydych wedi eich eithrio.

i I gael gwybod beth yw'ch oedran Pensiwn y Wladwriaeth, ewch i www.gov.uk/calculate-state-pension

Blwch 38 Cyfanswm didyniadau Cynllun y Diwydiant Adeiladu (CIS) a dynnwyd o'ch taliadau gan gontractwyr

Os ydych yn is-gontractwr, adiwch at ei gilydd yr holl ddidyniadau a wnaed gan gontractwyr o 6 Ebrill 2025 i 5 Ebrill 2026. Defnyddiwch y datganiadau a roddwyd i chi gan y contractwyr.

Os nad ydych wedi cael yr holl ddatganiadau CIS sydd eu hangen arnoch gan eich contractwr, ewch i www.gov.uk/what-you-must-do-as-a-cisubcontractor/pay-tax-and-claim-back-deductions i gael gwybod yr hyn y mae angen i chi ei wneud.

Peidiwch ag anfon y rhain gyda'ch Ffurflen Dreth.

Hyd yn oed os ydych eisoes wedi gwneud hawliad am ad-daliad CIS, nodwch y didyniadau ym mlwch 38. Os ydych wedi cael ad-daliad o ddidyniadau CIS, sicrhewch eich bod yn ei gynnwys ym mlwch 1 'Treth wedi'i had-dalu neu wedi'i gwrthbwysu' ar dudalen TR 6 eich Ffurflen Dreth.

Os ydych wedi rhoi unrhyw ffigurau ym mlwch 38, gwiriwch eich bod wedi cynnwys swm llawn yr incwm (cyn tynnu'r didyniad Cynllun Diwydiant Adeiladu) ar gyfer y cyfnod cyfrifyddu ym mlwch 9 'Eich trosiant'.

Rhagor o gymorth os bydd ei angen arnoch

I gael copïau o unrhyw Ffurflenni Treth neu daflenni cymorth, ewch i www.gov.uk/ffurflenni-a-thaflenni-hunanasesiad

Gallwch ffonio Gwasanaeth Cwsmeriaid Cymraeg CTheF ar 0300 200 1900 i gael help gyda'ch Ffurflen Dreth.

Mae gennym ystod o wasanaethau ar gyfer pobl anabl, gan gynnwys arweiniad mewn Braille, ar sain ac mewn print bras. Mae'r rhan fwyaf o'n ffurflenni hefyd ar gael mewn print bras. Ffoniwch ein llinellau cymorth am fwy o wybodaeth.